



SCOLA MEDIA SPEZIALISADA SMS (FMS) E LA MATURITAD SPEZIALISADA

Ad ina scola media spezialisada pon vegnir acquistads il certificat SMS sco era la maturitad spezialisada.

Scola media spezialisada SMS

Scolas medias spezialisadas SMS porschan ina scolaziun a temp cumplain che dura 3 onns. A partir dal segund onn tschernan las scolaras ed ils scolars lur champ correspondent a lur finamira professiunala futura. En il Grischun vegnan purschids ils champs da professiun sanadad, pedagogia e lavur sociala. Ultra da quai sto vegni absolvi fin a la fin dal segund onn da scolaziun in praticum da quatter emnas ordaifer la scola.

Il plan d'instrucziun cuntegna per regla ils sustants roms:

linguas*	emprima lingua naziunala (tudestg, talian u rumantsch) segunda lingua naziunala (tudestg, franzos, talian u rumantsch) terza lingua (englais)
matematica	
scienzas naturalas	fisica / chemia / biologia
scienzas socialas*	geografia / istoria / istoria civica
roms artistics	furmaziun creativa musica
ulteriurs roms*	psicologia / tscherna da professiun infurmaziun e communicaziun / informatica tecnicas d'emprender e da lavurar / lavurar a moda autonoma sport
Roms facultativs*	
Champ da professiun sanadad	biologia umana fenomens da las scienzas naturalas fisica e chemia psicologia / pedagogia / filosofia
Champ da professiun pedagogia	furma e colur musica fenomens da las scienzas naturalas psicologia / pedagogia / filosofia
Champ da professiun lavur sociala	economia da chasa / scienza dal nutriment psicologia / pedagogia / filosofia sociologia economia e dretg

*sa differenziescha tut tenor scola

Maturitat spezialisada

La maturitat spezialisada en il champ da professiun correspondent po vegnir acquistada entaifer in onn suenter avair terminà cun success la SMS. La scolaziun sto per regla cumenzar il pli tard trais onns suenter il diplom da la SMS.

Maturitat spezialisada sanadad

I dat duas vias per acquistar la maturitat spezialisada sanadad:

- 1. via: in onn supplementar cun praticum
 - Trais moduls cun totalmain 25 dis da curs «basa da las enconuschienschas professiunalas» al Center da furmaziun per la sanadad ed ils fatgs socials (CSS) a Cuira.
 - almain 24 emnas praticum en in'instituziun da la sanadad
 - scriver e preschentar ina lavur da maturitat spezialisada che sa referescha al praticum
- 2. via: maturitat spezialisada sanadad durant il studi a la Scola spezialisada superiura per sanadad
 - durada: 6 semesters (incl. praticum)
 - scriver e preschentar la lavur da maturitat spezialisada en il 3. semester
 - diplom: diplom spezialista/spezialist da tgira SSS e maturitat spezialisada sanadad

Maturitat spezialisada pedagogia

Per acquistar la maturitat spezialisada pedagogia vegn visità durant in semester la furmaziun generala a la Scola media evangelica Aschera. Tar ils roms tutgan: linguas, matematica, scienza naturala sco er scienzas umanas e socialas. Ils roms vegnan examinads a bucca e/u a scrit. Ultra da quai vegn pretendì che las scolaras ed ils scolars scrivan e preschentan las lavurs da maturitat spezialisada.

Maturitat spezialisada lavur sociala

Per acquistar la maturitat spezialisada lavur sociala vegn pretendì ina pratica professiunala qualifitgada d'en tut 42 emnas. Da quellas emnas ston almain 24 emnas vegnir absolvidas en in'instituziun renconuschida dal sectur social. Ultra da quai vegn pretendì che las scolaras ed ils scolars scrivan e preschentan las lavurs da maturitat spezialisada.

Purschiders en il Grischun

champ da professiun	scola
sanadad	Academia Engiadina, Samedan* www.academia-engiadina.ch
pedagogia	Center da furmaziun Surselva, Glion www.bzs-surselva.ch
	Scola chantunala grischuna, Cuira www.bks.gr.ch
	Scola media evangelica, Aschera www.ems-schiers.ch
Soziale Arbeit	Scola chantunala grischuna, Cuira www.bks.gr.ch

*L'Academia Engiadina porscha ina prolungaziun da la scolaziun per in onn per sportistas/sportists da prestazion e musicistas/musicists.

La Scola chantunala grischuna è responsabla per la maturitat spezialisada per il champ lavur sociala, il Center da furmaziun Surselva per la maturitat spezialisada per il champ sanadad e la Scola media evangelica Aschera per la maturitat spezialisada per il champ pedagogia.

Admissiun

Per l'admissiun a las scolas da maturitat spezialisada SMS sto vegnir absolvi in examen d'admissiun chantunal unitar ad ina scola media grischuna. L'examen d'admissiun chantunal è reussì sche la media da l'examen cuntanscha la valur 4 e sche las divergenzas da las notas dals roms d'examen vers engiu cun la nota 4 n'importan betg dapli che 1,5 puncts.

Examinads vegnan ils sustants roms: emprima lingua (tudestg, rumantsch u talian), englais, aritmetica, algebra e geometria. Ils examens pon vegnir absolvids en la 2. u en la 3. classa da la scola superiura.

In'admissiun a l'examen d'admissiun chantunal è pussaivla fin e cun quel onn chalendar, en il qual la candidata u il candidat daventa maioren.

Per las candidatas ed ils candidats da la 2. classa secundara quinta la nota d'admissiun sco ulteriura nota da rom. Quella vegn calculada ord la media da las notas dals roms geografia, istoria, natira e tecnica, furmar creativ, musica, sco era moviment e sport dal emprim semester da la 2. classa secundara.

S'inscriver per ils examens d'admissiun pon ins sut il suandard link: www.zap.gr.ch. Ulteriuras infurmaziuns davart l'examen d'admissiun sa chattan sin la pagina d'internet da l'uffizi per la furmazion media-superiura (www.ahb.gr.ch).

L'entrada en la SMS succeda suenter la 3. classa da la scola superiura.

Pussaivladads da sa furmar enavant cun il diplom da scola media spezialisada

Il attestat da la scola media spezialisada lubescha da visitar ina scola auta spezialisada el sectur da la sanadad, pedagogia sociala ni da l'educaziun sco era ulteriurs champs da professiuns, sco per exempl:

sanadad	<ul style="list-style-type: none"> • Activaziun SSS (HF) • Analitica bio-medicinala SSS • Igienia dentala SSS • Radiologia medicinal-tecnica SSS • Tecnica da l'operaziun SSS • Optoptica SSS • Tgira SSS • Sanidad da salvament SSS
Fatgs socials, pedagogia	<ul style="list-style-type: none"> • Animaziun da vischnanca SSS • Educaziun d'uffants SSS • Pedagogia sociala SSS

Sper il certificat da la scola media spezialisada basegni per regla in process d'admissiun, respectivamain in'examinaziun da qualificaziun e per part sto era vegnir absolvi in praticum.

In'ulteriura pussaivladad da sa scolar enavant suenter la SMS è da frequentar ina furmazion professiunala scursanida (emprendissadi) tenor cunvegna cun l'inspecturat professiunal chantunal.

Midada en la scola media commerziale u gimnasiala

Las scolas medias pon admetter scolaras e scolars sin il cumenzament da l'onn da scola ad ina partizun da scola media senza ch'els fetschian in examen d'admissiun chantunal. Las condizioni d'admissiun per quest intent vegnan regladas en l'ordinaziun davart la procedura d'admissiun a las scolas medias (vesair www.ahb.gr.ch).

Pussaivladads da sa perfecziunar cun la maturitat spezialisada

Maturitat spezialisada sanadad

- possibilitescha l'access ad in studi a las scolas autas spezialisadas SAS en il champ da la sanadad, p.ex.:
- ergoterapia SAS
 - cussegliazion da nutriment SAS
 - spendrera SAS
 - tgira SAS
 - fisioterapia SAS.

Maturitat spezialisada pedagogia

- possibilitescha l'access ad in studi a las scolas autas da pedagogia (senza absolver il curs preliminar)
- persuna d'instrucziun per il stgalim prescolar (scolina)
 - persuna d'instrucziun per il stgalim primar

Maturitat spezialisada lavur sociala

- possibilitescha per regla l'access ad in studi a las scolas autas spezialisadas SAS dal champ social, p.ex.:
- lavur sociala SAS
 - pedagogia sociala SAS
 - animaziun socioculturala SAS
 - psicologia SAS.

Purtadras e pertadres d'ina maturitat spezialisada pon studegiar ad ina universitat suenter ch'els han absolvì cun success in examen cumplementar (examen da passarella).

► Ulteriuras infurmaziuns

e sustegn obtegnais Vus en il BIZ. L'adressa dal BIZ en Vossa vischinanza chattais Vus sut:

www.berufsbildung.gr.ch → Sur da nus → Lieu ed adressa → Cussegliazion da professiun, da studi e da carriera

mail: biz@afb.gr.ch

Funtaunas:

Uffizi per la furmaziun media-superiura: www.ahb.gr.ch, Scola chantunala grischuna: www.bks.gr.ch, Academia Engiadina: www.academia-engiadina.ch, Center da furmaziun Surselva: www.bzs-surselva.ch, Scola media evangelica Aschera: www.ems-schiers.ch